

Früchte auch gut/ist der Baum faul / so sind die Früchte auch faul. Demnach weil ihr Phariseer so böse Früchte bringet/ indem ihr mich und mein Wort verachtet/so ist daraus gnugsam abzunehmen/ das ihr böse faule Bäume/und durch den Geist Gottes nicht wiedergeboren seyd.

Quæ etiam est Glossa Calovii in der Deutschen Bibel &c. (β.) Posito etiam, Christum velle Phariseos hortari ad poenitentiam, (uti volunt Nostratum nonnulli, inter quos nominatur D. Hunnius a D. Qvistorpio loco supracit. P. 137. Cujus peculiare Scriptum, cum non sit allegatum, evolvere non potui.) Non tamen omnes hortatur, quia non fuerunt omnes unius generis. Apud quosdam peccatum in Sp. S. commissum fuit consummatum, apud quosdam inchoatum. Hos adhuc ad poenitentiam hortari potest; Illos non item, quia Remissionem peccatorum non habebunt in æternum. p. 32. Bene iterum B. Affelmannus nobiscum sentit l. c. *Notamus*, inquit; *distinguendum esse inter peccatum hoc inchoatum, & plene consummatum*: Non de illo proprie dicitur, esse irremissibile; Quæ distinctione observata multa possunt enodari dubia.

Quæ p. 34. seqq. sequuntur Testimonia Theologorum, quibus regressum peccatoris in Sp. S. esse possibilem probare vult Niehenckius, ea omnia de peccato in Sp. S. *inchoato* sunt accipienda; Nam de *consummato* res est desperata. Quia illud τὸ ἀδόνατον Christi ac Pauli omnino omni auctoritati humanæ antepono. D. Calovius in *Bibl. Illustr.* ad h. l. fol. 292. diserte scribit, blasphemiam in Sp. S. docente Christo, esse. NB. *prorsus irremissibilem, & qui dicunt, tantum difficilius remitti, cum Socinianis facere.* Id quod Niehenckius cum suo D. Ittigio observet. Plura testimonia concervare hic nolo. Sed p. 40. seqq. Thesi speciali probare contendit Niehenck; quod nempe Induratus, quamdiu vivit & in via est, ex intentione DEi convertibilis sit. Medii termini ejus sunt coccyli. *Primus est*: Quia voluntas DEi antecedens s. gratiosa æqualis est: *Secundus est*: Quia Voluntas DEi antecedens induratum usq; ad ultimum quoque vitæ halitum gratia sua comitatur. *Tertius est*: Quia DEus induratum quoq; ad Poenitentiam agendam invitat. R. ad *Primum*: Committitur a Censore Ignoratio Elenchi, nos enim non negamus Voluntatem DEi antecedentem s. gratiosam esse æqualem: Sed de *consequente* voluntate disputatur, quæ utiqve est inæqualis propter inæqualitatem Objectorum *Joh. III. 16. 17.* Notes ergo Hulsemanni supracitatum locum:

E

quod